



THE DAYBREAK.

"Wankantanhan Anpao kin hiyounhipi."—Luke 1. 78.

Vol. XXVI-No. 9

FOREST CITY, SO. DAK., JULY, 1911

Wokajuju 50 Cents

Niobrara Deanery on Convocation kin he tokata July 14, 15, na 16 icunhan mniciiyin kta. St. Elizabeth's Tipi wakan ikiyela, Oak Creek itogata, Joshua Necklace ti kiyela hel econpi kta.

Taku'sni'sni.

United States kin el Anpetu wakan wayawapi 150.455 yukan, na wakanbeja 14.203.194 henakeca opapi. Tka maka owancaya 285.842 owaya henakeca, na opapi kin 27.883.479 iyenakapi.

New York State imahel Ikcwicaša ota unpi; okise Christian hecapi, na okise nahabcin tani wicohan ognā unpi. Iyuha Christian hecapi kta e sanpa wotanin wašte on wowaši ecawicakiconpi kta.

Saglaša makoce kin ekta Yewicašipi omniciye wauji, hena omaka kin icunhan Yewicašipi wicohan on mazaska 1.616.092 mnayanpi. he ota esa nahabci sam ota mrayanpi cinpi. Icin iye, na omniciye oyasin iyececa, wowaši econpi kta kipi kin ijehan sam ota aye cin on etanhan.

Yewicašipi omniciye—Board of Missions—unkitawapi kin, tokata wiakenonpa icunhan, Dioceses ra Yewicašipi obašepi kin iyula mazaska 1.300.000 mnayanpi kta wasabwicakicigle. Wicohan tawa kin tiyata na kowakata, lila sam tanka aya, na Wicaša wakan, na waonspekiye kin sam ota cinpi. Eya tokeša mazaska tona mnayanpi kta cinwicakiyapi kin wicakiyuspušpupi kta, kinhan Lakota tona kicunpi kta iwacinwicayapi kin iyula wacintankaya, cantewašteya, pilaya kicunpi uin unkecinpi.

Hekta May wi wiyawapi 24 na 25 Ascension Chapel el Hohwoju Kawitaya Omniciye econpi. Tona el hipi kin iyuha wahwayela owotanla wacinyus opiiciyapi, Woniya wakan wicakiciun na owicakiye lakaš.

Taku kin lena iwokiciglakapi na on wašagkiciyapi:

1. Maka akan wowašake tona yukan he.
2. Wakantanka taku kouza kin anaungoptanpi kta iyececa he.
3. Tokel opiiciyapi kta on wicaša heca kecanwicakinp kta he.
4. Takuku econ šni unšipi kin hena taku he.
5. Takuku econuunšipi kin hena taku he.
6. Wowiyutanye el nuhipi eca tokel econqonpi kta he.
7. Christ unpapi kta tka leban takuku unkikušepi yukan he.
8. Wicaša owotanla wacinyan un canna tokel iglutatin he.
9. Wicozani yugin kta ca tokel econqonpi kta he.
10. Wakantanka towaonšila kin on pilapi hecinhan tokel atanin kta he.
11. Wicaša maka yuhapi na etonwanpi šni hecinhan itokecapi kta he.
12. Mahiyublu ihupa nonpa yuhe cin taku iyececa he.
13. Šanka wakan kaonspe šni canpagnigma ikoyagyapi na iglonicapi can taku ca iyececa he.
14. Hayapi šapa eca yujajapi ece kin iyeuncecapi kta iyececa he.

June 9, 10, na 11 Conkicakse ekta Wawokiya, Catechists, na Deacons ptayela wayawapi. Wanjikji wicohan tanka yuhapi on el hipi kta oičihipi šni. Eša tona el unpi kin tantanyan wayawicakiyapi na on pilapi naceca.

June 16, 17, na ehan St. Andrew Sunkakiciyapi kin etanhan Provincial Chapter kin he, Rosebud makoce kin ekta Calvary oyanke el mniciiyapi. Provincial Chapter omniciye kin wanna tona wašte econpi, tka omaka iyohi sam wašte oiyoikiyiya icage selececa, na lecala econpi kin he iyotan tanyan. Omniciye kin on oyate el unpi kin lila tanyan ecawicakiconpi, nahan ake owoglake cin eciyatanhan Wakantanka Taniya wicisakib wowaši econ kin on iyuha tantanyan woglakapi, na Christ tokiconze kin oyate egua

sam icagin kta awacinpi wacajeyatapi. Tokeša tuwe wowapi kabkiyapi kin he wayaotanin kta naceca.

China makoce ekta, Manchuria obašpe el, makošica wan lila šica oyate kin awicabinšpaye. Yewicašipi on el wowaši econpi kin—wicaša wakan, Pejihuta wicaša, na waonspekiye—unpi kin tokel okihika lila škanpi, wicaša ota niwicayapi kte cin heo. Hececa eša wanna 10.000 isanpa tpi. Nakun Pejihuta wicaša wan, wicota wayazankapi awanwicayake na asniwicayin kta kuwa icunhan makošica kin ieu na on te. He Presbyterian etanhan, na te cin on wicota heca iyokišicapi.

Wowapi wakan kin he wanna iapi opawinge zaptan isanpa el yuieskapi, na oyate kin lila yawapi canke omaka waji ca woyawa tanka šakpe—six million—isanpa kagapi ece. Icin wowapi tona yuke cin na wicaša wicayawapi eša, wowapi wakan kin he iyotan, na yawapi kin eciyatanhan na slolyapi kin on niwicaye on ksamwicakiye kta okihi, Jesus Christ wacinyanpi kin eciyatanhan. Tokiu Lakota kin ašeya Wowapi wakan yawapi, iyukcanpi, na mehentuwa awacinpi nin, kinhan wawacintanka na wokicanpte ko, wiconi obinniyau woape kin icupi na sutaya yuzapi kta.

Pine Ridge, S. D.,
Sword Camp.

Dear Anpao:

Mitakola:

Mitakola, lena miyecilaotanin kta icececiya. White River, Sword Camp el hekta September wi kin hetanhan tpi kin: Mrs. Annie Yellow Horse, September 20, 1910 he ehan ta. Eliza Yellow Horse Oct. 9, 1910; Benjamin Mills, Jr., Jan. 9, 1911; Lena Bissonnette, April 4, 1911; Mary Yellow Horse May 1, 1911. Ho mitakuyepi lena owasinla lila wašte wiennkilapi, tka Ateunyanpi mahipiya ekta yanke cin iyotanwica-

lake cin ecanmi. James Yellow Horse koškalaka wanjikji wicohan wašte kin el owašag wacin bajinpi he le wauji ee. Yunkan lehanl cinca hokšila nom ob otiwita el yankapi. Ho hecetu wakan cekiyapi on St. Matthew Station el unyeksnuyapi nin ecanmi. Tona le wanlakapi kin cantewašteya nape ciyuzape. Awicakehan nitakola,
Eugene H. Bird.

Eagle Nest Butte,
Gethsemane Chapel.

Anpao kin:

Leban wayaotanin cisi kte. March 16, 1911 Gethsemane Chapel el winyan omniciye unpi kin leca oitanan apiunkiyapi na lena wicayustanpi: Miss Fannie Quiver, Itancan; Mrs. Millie Red Hoop, Itancan okihe; Mrs. Fannie H. Head, Mazaska awanyaka; Miss Jennie Red Hoop, Wowapi kaga; Mrs. Julia Little Killer, wokage awanyaka; Mrs. Millie Twin, Wamnaye.

Mitakuyepi, winyan tona Okolakiciye wakan opapi ehantanš is eya iyecel wowaši Wakantanka etkiya econpi kta. Hececa kinhan Okolakiciye wakan sam wašag unyanpi kinhan unkiye sam unkiwaštepi kte. Icin tuwa Wakantanka wicala ehantanš tokel okihi Okolakiciye wakan el škan iyececa. Mitakuyepi, tona Anpao iyacupi owasin nape ciyuzape.

Miss Jennie Red Hoop.

The week ending May 13th was conspicuous in the annals of the American Church. In four different dioceses five men were elected bishops. Such a thing has not happened before in our history. It is true that missionary bishops to this number have been elected at more than one session of the General Convention, but that does not constitute a parallel case, for it is not so much an evidence of the Church's expansion as of her desire to expand.

THE DAYBREAK.

REV. E. ASHLEY: : : : EDITOR
REV. W. HOLMES. Assoc. Editor

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 50 cents per annum and may be paid in Money Order or two cent postage stamps.

Single subscriptions for six months, 25 cents.

All subscriptions and matter for publication should be addressed to

REV. E. ASHLEY

Cheyenne Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain official notices and accounts of official acts and visitations of the Bishop. It is hoped that our people will take it and circulate it.

PRINTED at the office of the "Forest City Press."

ENTERED at the Postoffice at Forest City, So. Dak., as second class matter.

Wotaniin-wašte Ayapi On Wocekiye.

Anpetu iyohi wicokaya he cin ehan heyapi kta:

Wanikiya wašte isto wacantkiye nita-wa glugal, canicipawega akan otkeyahan yann tka qon. maka akan wicaša unpi kin owasin Niye ekta etonwanpi qa niwica-yapi nnnwe. AMEN.

WAKANTANKA Iyotan waške cin, Woksapi ed Itancan kin, Woksapi Nitawa kin ed Itanipi kin nakun sanpa yewica-yasi kta e onšiciya iceunnicuyapi: hecel Waawanglaké wicaka na wacinyepica heca iyenakecapi kin on Okolakiciye-wakan nitawa kin iyuskin kta, na Nitokiconze wašte oicago tawa kin yutanpapi kta: Jesus Christ Itancanunyanpi kin eciyatanhan. AMEN.

O WAKANTANKA, tuwe wicawe wanjila on wicaša oyate hiyece cin oyasin maka kin owancaya etipi kta e wicayakage cin, na tona itehanyan naiš kiyela unpi kin, wookiye owicakikiyakin kta e Nicinea wašte uyaš qon: wicaša oyasin onilepi na iyeniyannpi nnnwe. Oyate kin optaye nitawa kin opewicaya ye, na Ikewicaša kin wokiconze nitawa ekta-awicagli ye. Tona wicayeco kin ecela wicahucetu, na nitokiconze kin kohama nyakiyin kta iceunnicuyapi: Jesus Christ Itancanunyanpi kin hee eciyatanhan. AMEN.

O ITANCAN, tona humipi kin hena awicayakite ca niwicayayin kta e yahi kin, na mahpiya ekta na maka akan wowašike-ataya nicupi kin, tona eonwica-yasi kin eciyatanhan, wicaša otioyohi Wotaniin Wašte kin owicakikiyakapi kta e iyayapi kin, on Okolakiciye wakan Nitawa kin wocekiye eye cin nayahon kta e iceunnicuyapi. Taku wokokipe el ipi kin owasin etanhan ewicayaku ye: maka puze cin wokokipe kin etanhan, mini wokokipe kin etanhan: makošica on wicate cin etanhan: šicaya wicakuwa toohitika-kin etanhan: wocetungla na inahnipi etanhan: wowacinibošake na owolutaton kin etanhan: na oiyokpaza itancan iceiconzapi kin owasin etanhan ewicayaku ye. Na wojupi na miniakastaŋpi kin icunhan waicahye cin. Niye, O ITANCAN, uwicakiciya ye, Ikewicaša wicota hein omnawicaya ye, Christian tamakocepi kin ekta tona wowanikiye hinko tanka aktapi šni kin hena wicayuhomni ye. hecel, O Maka Wanikiya waonšila kin, Nicaŋe yatanpi kta na Nitokiconze u kta: Niye, Ateyapi kin na Woniya Wakan kin ob woyonihan na wovitan luha, nnnwe, maka owihanke waninl. AMEN.

Wotapi šni Itokam Wocekiye wan.

O ITANCAN, wopila unnicupi. Woteklapi kin wolwicaya ye, na wicaša oyasin, maka sitomniyan, Wiconi Aguyapi ni un kin Mahpiya eciyatanhan hi kin he olepi na iyeyapi kta e iceunnicuyapi. AMEN.

Grace Before Meals.

THANKS be to Thee, O Lord. Feed the hungry, and grant that all men, everywhere, may seek and find the Living Bread which cometh down from Heaven. AMEN.

Rosebud, S. D.

Mitakola anpetu le el taku tona yaotanin ciši kte. Tokaheya wana maka akan taku wanji wicannlapi hecin he Wakantanka cinca he wicaunlapi, na on Ateyapi kin, na Cinhintku kin, na Woniya Wakan kin on Miniaunkaŋtanpi qon, he wana Jesus Christ tawaunyanpi naceca. Ecin Wakantanka Jesus Christ ecela cincaya na tehila ye-šan isam wicaša maka akan unpi kin on hena onšiwacala yelaka. Cinca on he makata uye kin he wicaša wašte ecela on un šni, tka wicaša waltanipi sa qon hena niwicayin kta on maka akan hi; na on akenonpi kin hena iwicacu na hena maka owancaya yewicaši na Ateyapi kin, na Cinhintku kin, na Woniya Wakan kin on mini awicakaŋtan po eye, na tawa nanihonpi kin he namaŋon kta eye eiqon he nannhonpi. Hecel tona maka kin le akan Taku wakan oije wicalaunlapi hecin hena ataya yuptaya canteununkiciyapi keš wašte kta tka. Ho hecel taku tona Anpao yaotanin waši kte cin he lee. Lecala March 22, 1911 he oŋtan Šina ska in omniciye wan icahunyanpi. Yunkan iblnkecan ekta etan najin omniciye wašagya inyanka iblulcan: Yelaka omniciye nnnapi leca nagwakapi na Okolakiciye wowicake šni cyapi ška hena el ewauncinpi šni tka ee taku wicalaunlapi hecin heceela yus unqonpi kta ee wašte, na he tokiya ca tehanl unyanpi kta ca hehanl unkapi kta wakta unqonpi šni tka ee anpetu iyohi waktaya igluwiyeya unqonpi wašte. Ho omniciye lecala icage he waonspeiciciye omniciye eya cajeunyatapi. Lena Wakantanka wi šakpe wowaši econpi kta wicayunŋtanpi: Samuel High Bear, Tunkanšilayapi; Joseph Little Hawk, Iyokihe; William Poor Bear, Wowapi kaga; Owe Side Ear, Mazaska awanyake; Good Boy, Iyapi awanyake; Walter Bull man, Wayazan awanyake; Poor Dog, Wamnaye; Thunder Elk, Hlahla; Three Bear, Tiyopa awanyake. Nakun sanpa napeiyunka opapi.

Winyan omniciye owicaweciya-kin kta: Kate Owe Side Ear, Un-eyapi; Winyan wašte, Okihe; Annie Poor Bear, Wowapi kage; Martha Eagle man, Mazaska awanyake; Annie Bull man, Wamnaye; Mrs Good boy, Wokagege awanyake; Plenty Horse, Wayazan awanyake; Mrs High Bear na Mrs. Poor Dog, Tiyopa awanyakapi.

Omniciye lecala icage cin Chief Two Strikes Camp etu. Ho mitakolapi wanna tona Anpao iyacupi oyasin nape ciyuzapi. Nitakolapi wanji

William Poor Bear

Wowapi kaga

Cherry Creek etanhan.

Anpao kin:

Kola ito tuwenni waciši šni

tka lehanl iyapi conala miyceilao-tanin kta wacin. Hekta Aug. 17, 1909 he ehan hokšila wanji micitounpi, Royal Patterson eciyapi. Ho mitakuyepi wakanheja kin le gluha anpetu iyohi iyuskinye lei unqonpi. Ho tka March wi he-tanhan wamakiyazan, na wanna tohanyan micinkši tancan qon ecetu šni aye qon hetanhan miš eya woawacin bluha qon hena oyasin toktokeca aye lo. Yunkan tukte ognayan mitawacin, wiblu-kecan, na cante bluzin kta tanin šni waun heon ohinni cante mašice. Anpetu na banhepin iyohi micar-te kin wocante šica ojula aye selececa, na heon wowiyukcan wašte na woawacin wašte qon hena lila itehanyelci waun.

Ho eya mitakuyepi Šina ska owapaye lo, winyan mitawa na wakanheja mitawa qon nakun opapi. Ho tka Šina ska wacekiye wicaša tuweni kiyela un šni heon le ognayan ecamon. Eyanpaha wakan Fred Dupree ti wan el okici-yuze wakan econ kta on hi. Ho hecel eya ocekiye okašpe yamni un tka hena oyasin Itancan wanji-na yuhapi, Taku wakan wanjila cekiyapi kin heon micinkši waglo-ayin kta awacanni na miniakastaŋpi. Yunkan hetanhan mitawacin kin kitanla waške selececa, na wana tiyata waki tka oiyoki-šice selececa. Wakpa wašte opaye wicaša unpi kin owasinla heya-takiya eyaye peji kagapi kta on. Ho hecel unkišnala unyanpapi qeyaš ataya wicomani wanica can-ke lila oiyokišilya unyanpapi. Yunkan winyan wan el unhipi na wakanyeja wayazan yunke qon wacekiciciye yunkan lila cante-mawašte piwakila; na akeš wicaša wan tawicu kici hi na wakanyeja wayazan lipaye kin itokab canpe-ška makagle inajin na wacekiciciye. Hehanl wicaša wan Peter Standing Elk eciyapi ca weco, na wocekiye econwaši canke iyuskin-yelci econ. Na micinkši mahpiya wiconi ekta ilipeyaunkiyayapi kte kin ehan i. Ho hecel micinkši nape ognal gluha, nawajin na waceye canke winyan mitawa kin misakim najin na iš eya ocante šica on ceye. Wanna te cin icunhan koška ota el ahi na Peter Standing Elk nakun weco hecel ake hi na cmakiye hecel canwe-gnake wecagin na cga cmicerŋapi na wanagi makoce ekta wagloi, na hel ake wicaša kin he wocekiye econ. Yunkan mitakuyepi woiyokišica yuha manke cin icunhan wicaša yannipi kin lena lila omakiyapi. Ho tona Anpao iya-cupi kin iyuha cante wašteya nape ciyuzape lo.

Yours Truly

Daniel Patterson.

(Iwankam kolaunyanpi iyotan iyekiye oglake cin on taku wanji eyepica, na woope nom—Okolaki-ciyé tawa—unpazopi kte.

Kola iyotaniyekiye icunhan iye ca Wakantanka wacinyan waccki-

ye otanin šni. Wakantanka el wowacinye unyuhapi kin wowiyu-škin el na woiyokišica kin el ceun-kiyapi kta onspeunkiyapi. Icin "wiunkakijapi el iŋrala onunkiyapi kin he Iye."

Hehan woope wanji lecel eye, "Tohan tuwe wayazanke cinhan Wicaša Wakan okiyakakapi kta," eyapi.

Inonpa kin, "Okolakiciye mako-ce otioyohi el Wicaša wakan kin oyate kin ohinni wahckonwica-kiyapi kta, hecen šiceca wicayuhapi kin Baptisma wicayupi kte cin, wicatonpi ohakab Anpetu Wakan tokaheya naiš inopa... isanpa ki-gnakapi kte šni, taku on awicake-han econpi kta okihipi šni yuke šni kinhan."

Ho lena oyate unkitawapi kin kiksuyapi wašte. Ota nahahcin slolyapi šni canke tuktektel iyo-yagiciyapi ece. Arpao kin.)

Epiphany Chapel, Rosebud.

Anpao kin:

Kola, lehanl taku wanjikji miyecilao-tanin kta e ake iceciciye lo. Hekta tohan taku tora yaotanin ciši yunkan tanyan ecamiye-con heon wacinciyé le. Ho yunkan maka oyate kin lehanyan taku wanji unkiwaštepi kta ohinniyan cinunkiyapi, na cin kota wicaša beca qeya wicakali gapi na hena oyate opeya litan kta heon. Ho yunkan taku k he unkiye oyate oiyokpaza ogi unqonpi kin, leiyojanjanyan ya kta cinpi kin heon iyotiyekiya wowaši econpi kta. Unkiye unki-tantanhanpi hecel škinciyapi qon he unkiwacapi kin he lila wašte kta seca iblulcan. Miš miye kin hecel ohinniyan iblulcan. Taku Wakantanka tanhan yowaši econ-pilakaš, wacintankaya onnyanpi. Okihipi šni ešaš takomni iyutapi ece kin unkiwacapi. Ho yunkan icin Jesus Christ Wauikiya unki-tawapi kin wicaša akenom wica-kalnige ca hena oyate oiyokpazata upi egna yewicaye na hewicaki-yi, "Ya po, na eyate onspewicaki-yapo, Ate nmaši kin he iyecel yecišipi co" eye eiqon he ohinni weksuya. Na on maka oyate egna wicaša qeya wacnspekiya upi qon wanji waublake sa he-cunni, Hunhuhhe, icin Taku wa-kun wowaši ecakiŋon kin heon wacintankaya oyate cpeya iyoti-yekiya wowaši econ we lo, ecanmi. Tka he hecetowalake. Ho miš he ablespica kccin waun we lo, tka tohanni waglatanin šni tka lehanl ito epin kte lo, na on maka oyate yaunpi kin ilulcanpi kte lo. Ho yunkan inŋe lehanl cta eyapi na-wahon kin heon hepé. Yunkan unkeyapi sa, na on lakota wocekiye econ wicaša kin lila eya šna awicunyanpi, na taku eyepilpica šniyan ewicunkiyapi. Wan, he wocekiye wicaša kin kakel econ, na wan, kal taku wan ipaweh econ,

unkeyapi sa. Wan, qeya mitakuyepi he heetu šniyan waehapi sa ye lo, qeya iyukean piye na hehan eya po, nāis slolyayapi tka hehapi sa kaiktahela se eya po. Wan qeya kitanyekeles wicaša qeya wacintanka oglake ca tukte ogna Christ Tokiconze kin iyepite unyanpi kta cinpi na on lila škinci-yapi. Tka unkiyepi ca heunceca-pi kepe sa ye lo. Kitanyekeles Christ Tokiconze kin hena cinun-kiyapi na lila waonspe unkiyapi kta cinpi tka atiyas awauncinpi šni yelakaš hececa ye lo. Na ito taku wanji wocekiye wicaša wanji glušna sececa ehantans el unyanpi na kici iwounglakapi kta he wašte, kinhan tanyan iyuškinyan unqon-pi kta. Tka takuni slolye šni, ituyacin waewicunkiyapi sa. Ho tka taku wanji ipaweli econ sececa ehantanhanš tanyan slolunyanpi hehanl nakeš el unyanpi na kici iwounglakapi kta na heunkeyapi kta, Wan kola taku kin le heciyotan šni tka ecanon ee, unkeyapi ehintanhanš, inšeya heyin kta, Wan kola ehanqon heciyotan ška ecanon we lo. Tanyan ablesmayape lo, eyin kta ca taninyan lo. Ho yunkan inše mitakuyepi he ablespica na letan tokatakiya iyukeanpica heca hecinna tanyan unkiyukeanpi nin ecanmi ye lo. Nainš le epe cin lena hecetu šni na tuwelci okahnišmayayapi ecanmi ye lo. Ho ito lehan-wanna ewagnakiu kte lo. Kiš-ake-tokata epin kta sece ecan. Ho tona Anpao lawapi ecina le lawapi iyukean piye. Hehanyan epin kta. Mitakuyepi maka owancaya yaunpi mican- te ecela kin on nape ciyuzape lo. Nitakolapi wanji miye ye lo.

Lineoln B. Williams.

Little Oak Creek, S. D.,
Good Sheppard Chapel.

Anpao kin :

Kola mitawa lecala omaka kin el lena wicakicopi wakan ekta iyayapi na heon ota ohakam car-teunšicapi, heon Anpao kin oyake ein hecel wacin. March 5, 1911 el wicincala wanji te, na he Sarah Dog Eagle hee; na ake March 9, 1911 el wicincala wašte wan micitonpi tka te. Nakun lecel awacanni Abraham cinca wanjila unkan Wakantanka wacinyan kei-ye heon Wakantanka hecel eye. Abraham waštemayalake cin wicayaka heciu nicinea tokapa kin he wamakiyušna yo eye qon heon econ kta unkan Wakantanka heye. Howo Abraham waštemayalake cin wicayake lo, eye cin he awacanni, na wocante šica kin ataya ali nawajiu. Heon mitakuyepi na yašionpi wacin ye lo. Na ake lecala March 22, 1911 he hehan wiko-škalaka wacinyepica wan te lo, Mary Martin hee ye lo. Tona Good Sheppard el wašagya najinpi kin le wanji el unyan unkiyayapi na ataya cante unšicapi ye lo.

Unkan Jesus beye qon, Oyasin wicakicopi wakan kin ekta kicoco yaunpi kta heon wakta po. Na anpetu glawa onspeiciya po. Na nican-tepi el wocante heon yanke cin he heyab ilpeya po. He awa-uncinpi na on wiunyuškinpe lo. Winyan kin le zaniyan un icunhan owacekiye wakan kin glušna kta cin šni, heon oyasin wakta po, makohluka kin ayakšijapi nainš oyahomni kta oyakihipi šni ye lo. Hecetu we lo.

J. B. Eagle.

Anpao kin :

Mitakuye, eya lehanl taku to- na miyeceilaotanin kta iwacinciye kin on etan wowapi ciyu we. Ho yunkan omaka 1905 hehan koškalaka wan, Stephen Lone Wolf eciyapi ca, he kici wakankiciyuza-pi ecemon. Na koškalaka kin Oglala oyanke kin etanhan, na he Christian wacinyepica kin heca na lila wacinunkiyapi, okolakiciye wakan eciyatanhan. Ho yunkan wana unkieincapi kin wicincala yamni, yunkan April 27, 1910 ehanl toka kuje na Wašicun wakan kin wanyake na holpa kuja ohar-ko ca ececa keye, na asukiye wa- cin lila unškanpi tka sam eš un- kokihipi šni ecel hankeya wana Oct. 22, 1910 eliani make na lila wocante šica tanka awakipa. Wana te qel Inestimable Gift Church el hapi kta unkeyapi, yun- kan omiciye econpi icunhan un- kaipi. Ho yunkan lila yuoniban- yan, oiyokipiya hapi, oyate ota wanyakapi. Ho wicaša mitawa wana hel unyan imayaye kin on micinea kin ob wamnamakiyapi na el wowahokonkiye wašte maqu- pi na hena awacanni na on lila pi- wala hee, na cante mašica icunhan ake iciyokihaya micinea yamni i qon he wanji hakakta waniyetu wanji ihunni ehanl make. Yun- kan he atkuku tawicokuje kin ecc- ea. Oct. 25, 1910 hetan toka kuja na March 11, 1911 ehanl unyan imayaye. Ho na hetan wana wi- cincala nomlala wicawagluha, un- ma waniyetu zaptan, na unna wa- niyetu yamni. Ho taku kin lena awakipa tka mitakuyepi Christian unpi kin okšantan omakiyapi ca on wiyuškinmayanpi, na tokešle wahan yunkan wawicaweglaka ecin onšiciye wocekiye eya wann. Ho maka kin le akanl taku wocan- te šice kin lena awakipa kin na on ceya waun tka imahel wowapi wa- kan eciyatanhan waniłake na cin akeš wocante wašte on wanwicag- lag wacin wacekiya waun, na lena blawa kin on etanhan Wa- kantanka wopila ewakiya. Ho hecetu we. Ho eya mitakuyepi lena taku lecel oyasin okokipapi sa ca slolya waun, hececa ešaš he- na maka-akantu kin on etan el ewacin šni kičun Wakantanka wo- pila eciya unqonpi kin pilaukici- yapi kta, na wašewicunkilapi eya iyayapi qon ekta ihuuni wacin he

blihelya owacekiye el unyanpi kta wršteke. Ho na wocante šica wanji lecel unkakipapi icunhan wowapi wakan el, wicaša wan Job eciyapi, he išnala wacintanka, na Wakantanka waštelake. He el unyawapi kte na ecel wacintanka unkieunpi kta wašte. Icin wašin- tankapi kin he wiconi ohiey kin on etanhan. Ho hecetu. Mitakuyepi Christian yaunpi kin iyuha cante wašeya nape ciyuzape. Nitaku- yepi wanji he miye.

Mrs. Mary Lone Wolf,
Allen P. O., S. D.

OKOLAKICIYE WAKAN KIN ON WIWICA-
WANGAPI WAN.

St. Paul Yuhomni kta.

W. St. Paul yuhomni kin tohan Okolakiciye Wakan kiksuya he.

A. January wi wiyawapi wikce- mua nonpa sanpa zaptan hehantu.

W. Tokaca St. Paul Yuhomni- pi on kiksuyapi he.

A. Wowapi Wakan el wicayu- homni oyake ein le iyotan wo- winihan kin hee.

W. St. Paul he tuwa he.

A. Otokahe Saul eciyapi; he Juda wicaša, Benjamin tiyošpaye etanhan, Pharisee owe kin opa, na Celicia makobašpe el otonwe wan, woonspe wicohan on tanka Tarsus eciyapi kin el tonpi.

W. Tokel onspekiyapi he.

A. Anpetu kin hena el wostolye yuhapi kin iyuha onspekiyapi, na he ehan Juda oyate waonspekiye itancan wan Gamaliel eciyapi he onspekiye.

W. Nakun taku onspekiyapi he.

A. Wakeya kagapi wicohan kin he; icin Juda oyate kin cincapi o- yasın wokage wicohan wanji on- spewicakiyapi kta he hecetulapi, hecel wowahpanice nāis woakipa wan akipapi eša tanyan unpi kta iyukeanpi.

W. Yuhomni šni itokab Chris- tian unpi kin tokel wicakuwa he.

A. Wocanze tanka on šicaya wicakuwa.

W. Tuktel tokaheya hecon he.

A. Tokaheya Jerusalem el, he- han Wošnakaga itancan kin he, Damascus ekta Christian unpi kin šicaya wicakuwa kta e woiyowin- kiye ičila.

W. Canku ogna ye cin, na wa- iapi, tilwicaktepi ko awicapogan icunhan taku akipa he.

A. Mašpiya eciyatanhan iyo- yanpa wan iglušsan iyojanjan, na mašpiya etanhan wicaho wan "Saul, Saul, tokaca šicaya maya- kuwa he" eciya.

W. Saul tokel ayupta he.

A. "Itancan nituwa he" eya.

W. Woayupte tokel nañon he.

A. "Jesus šicaya yakuwa kin he miye" eya nañon.

W. Hehan toketu he.

A. Iyoyanpa tanka kin on išt- gonga kin on, he Damascus ekta yusayapi na hel yamni can aki- haničiye un.

Woonspe Iwikcemna zaptan sanpa yamni.

St. Paul, nakun.

W. Saul tonwan kta e, tuwa- ca Wakantanka el yeši he.

A. Ananias eciyapi, he waon- spekiye wikcemna šakowinpi qon he wanji kecinpi, he nape aputake ca tonwan.

W. Hehan taku econpi he.

A. Baptisma qupi, na kohanna omniciye tipi ogna Christ he Wa- kantanka Cinhintku kin ee ca oyaka.

W. Tokaca wicacaje wan Paul eyapi kin icu he.

A. Owekiniš caje tani yuh cin on Okolakiciye šicaya kuwa qon, i e yuha Baptisma icu cin šni naceca.

W. Jerusalem ekta hi qonhan taku econ kta cin he.

A. "Waonspewicakiyapi kin eb un kta cin, tka oyasin kokipapi, i a waonspekiyapi heca e wicalapi šni."

W. Yuhomni tka taku on ce- tunglapi he.

A. He itokab Christian šicaya wicakuwa kin he on.

W. Itancan waonspewicakiya tawa ohitiya šicaya wicakuwa kin wanji unkokiyakapi he.

A. He martyr, St. Stephen kin, he tin kta ea iyowinkiya na icun- han hel un.

W. Waonspewicakiyapi wace- tunglapi qon tokel on togye wa- cinyuzapi he.

A. Barnabas St. Paul icu na Wahošiyepi kin el ahi, na tokel yuhomni kin he owicakiyaka.

W. Wakanyan yuhomni kin on taku iyowalyepica he.

A. Wakantanka wahtanipi s'a tanka kin wicakicajuju kta e ohinni wiyeya un kin he wowakta heca kte cin hee.

W. Nakun taku eyepica he.

A. He yuhomni kin eciyatan- han Christ woohola tawa kin he wo- wicake ca waayatanin kte cin he on

W. Itancan kin he, St. Paul on, tokel Ananias eciya he.

A. Wakišca kañnige cin wanji ee, na Caje kin he Ikeewicaša wi- cakahi kta heca keya, na heon Ikeewicaša Wahošiyepi Wakan ta- wapi kin he cajeyatapi.

W. Tokakije on taku eyapi he.

A. Wahošiyepi unmapi kin iwica- sanpa kakije, yamni akigle wita wa- ta kicableca, osni, locinpi, ipuzapi icakije, can on apapi, na inyan on kininpi.

W. St. Paul tuktel Wotaniu Wašte oyaka he.

A. Jerusalem el, Arabia, Asia, Greece, Illyricum na Rome el, na- han wiyohpeyata maka opapun kin ekta.

W. He ehan makoe wan "Wi- yohpeyata maka opapun" eyapi kin he tuktelu he.

A. Great Britain—Saglaša— makoce kin ee.

W. On tokel slolunyanpi he.

A. Eusebius, Theodoret, St. Jerome na toktokeca woyakapi kin eciyatanhan.

W. St. Paul tuktel Wotanin Wašte oyaka he.

A. Jerusalem el, Arabia, Asia, Greece, Illyricum na Rome el, nahan wiyohipeyata maka opapun kin ekta.

W. He ehan makoce wan "Wiyohipeyata maka opapun" eyapi kin he tuktelu he.

A. Great Britain—Saglasa—makoce kin ee.

W. On tokel slolunyanpi he.

A. Eusebius, Theodoret, St. Jerome na toktokeca woyakapi kin eciyatanhan.

W. Watohan St. Paul martyr heca ta he.

A. Wanna waniyetu 68 qonhan, Rome otonwe ekta pabaksapi, Nero wicasayatapi taanpetu el, he ehan Christian lila tehiya wicakuwapi, A. D. 66 behantu.

W. Tuktel hapi he.

A. He canku wan—Ostian Way eyapi—opaya, na ohakab hel Tipi Wakan owanyag wašte wan kagapi.

W. St. Paul taku wowapi wicakicaga he.

A. Wowapi aketopa kaga, na hena el, Wakantanka towaonsila kin he tokel Juda oyate iyowajapi hecinhan, he iyecel Ikcewicasa iyowajapi kte cin he yawicake.

Woonspe Iwikcemna zaptan sanpa topa

St. Matthias Taanpetu.

W. St. Matthias wokiksuye kin watohantu he.

A. February wi wiyawapi wikcemna nonpa sanpa topa behantu.

W. St. Matthias he tuwa he. Olan. 1. 21, 22.

A. Christ baptisma qupi etanhan, wankan iyaye cin hehanyan, waonspekiye tona kici unpi kin he wanji na owekiniš "wikcemna šakowinpi" he wanji naceca.

W. Taku on waayatanin he. Olan. 1. 22.

A. Christ kini na wankan iyaye cin, nahan toni kin taku tona iyotan kin.

W. Taku ca on yuwakanpi he.

A. He Judas tohe el un kta kahniigapi na yuwakanpi.

W. Matthias tokel kahniigapi he. Olan. 1. 20.

A. Wokcanpi wan, "Awanglakapi wicoban yuhe eiqon he tuwa tokeca el un kta," eyapi kin on, St. Peter na waonspekiye unmapi kin Jerusalem el mniciiyapi.

W. Le iyehan waonspekiyapi kin taku eonpi he.

A. Wicasa nom, Matthias na Barsabas, wicakahniigapi, na unma tukte Wakantanka kahniige cin he wicakipazo kta icekiyapi.

W. Hehan taku eonpi he.

A. Woohiye elipeyapi, yunknu woohiye kin he Matthias ahinipaye, hecel Wahošiye unmapi kin opeyapi.

W. Matthias tuktel wotanin wašte oyaka he.

A. Tokaheya Juda makoce kin el; ohakab, St. Jerome oyake cin eciyatanhan, wiyohiyanpata iyaye ca hel wicota Christ ekta itoheya wicayohomni, nahan martyr wateslake kin ohiya.

W. Judas eciyapi kin he Wahošiye wookihi na wawicauupi yuhe cin etanhan taku unkonspepi he.

A. Wicasa wakanpi kin ektašniyan ohanyanpi eša wookihi wakan yuhapi kin he takunni yuaoptetu šni. (Woope 26 yuwapi kta.)

Saint Andrew Sunkakiciyapi kin en Acrostic wan.

Rev. William Holmes owa.

S. Sataya Sunkakiciyapi sam sdonkiyapi

A. Awicakehan awiwi aiciya aktanipi,

I. Içiksuya iyopeiciya ihakam ikdoyapi,

N. Nakaha nina nakicilonya najinpi,

T. Tokatakiya tehiya tawateniciya tokahanpi.

A. Acancanyan ainina akidecenya amniheiciyapi

N. Nongoptan nahmana nasdan napekozapi

D. Dakota deban deciyatan duzahanpi

R. Hanhiya handitaiçiya libayena litanipi

E. Ecaowancaya eakatinyan eyekapinšniyan eyaupahapi

W. Wacinibošakešni wihahaya wawiyokipiya wawokiyapi.

S. Sintomniyan stuteya sugsutaya sutonpi

U. Unhanketa nukitakodakupi nkapinšniyan uncilipi

N. Nahalecin nakimnišniyan našinsya natitanpi

K. Koškanaka kawitaya katinyan kicikdoyapi

A. Ahocokatanyan aokduteya ayucoya aicahiçiyapi

K. Kaheiyataiçiknakešni kaigejuya kaškakiciyus kihanpi

I. Iyecinka iwayupiya iyohi iëiconzapi

C. Cantetišnya cokata cankpepakšis cekiyahanpi

I. Iyokipiya iekapinšni iyakikdeya iyokicipaštakapi

Y. Yuonihanyan yuohankoya yuwitaya yapi

A. Abdesya aokiciya ayusdohan ayapi

P. Patakešni, patawanjini pipiya pastostoyapi

I. Iwanyag iyakidecen ihakicikta iksamkiciyapi.

K. Kaohankoya kohanna kaektawapa kihunniwacinpi

I. Icekiyapi iyayustag ikdunnihecapi icekoyag

N. Nunnišniyan nopin napanokin napiyuzapi.

Wakanšica kin, tuwe towašake on wicasa kin waeconwicakiya he?

Wakanšica tanka wan maka kin de ed un. "Wakanšica tokaniyanpi kin he mnaja hoton ece kin iyeced omani un, tuwe yapote kte cin he akita ece" St. Peter eya. Job wowapi kin ed heced owapi "Akes anpetu wan hehan Wakan-tanka cinca kin Jehovah itokab eiçikdepi kta hiyupi, unkan hena owicapeya Satan iš eya eiçikde kta hiyu. Unkan Jehovah heciya, Tokiyatanhan yau he, Unkan Satan Jehovah aynpte, ca maka kin de ed omawani, qa okna oknikdeya wain kin betanhan eya." Satan maka kin de ed un kin he waunyakapi, tuka tokicorze kin he wicasa cante kin ed un.

Kanan winyan wan Jesus hoyekiye, "Itancan, David Cinhintku, onšimada ye, mienkšni wakanšica yuknaskinyan, šicaya un." Winyan kin he Jesus Itancan kin hoyekiye, qa tanyan econ, ecin Jesus Christ Itancan kin iye heceena Wakan šica ohiyin kta okihi ece. Wakan šica kin tuwe towašake on wicasa kin waeconwicakiciyapi he? Qa woayupte kin dee. Wicasa owasin waeconwicakiya. "Wowapi ed kagapi qon iyecceca, Tuwena owotanna un šni;" "Owasin icunonpa iyayapi." Tuka wicasa wanjikji "Wakan šica tohan cin eca wayaka awicakda ece kin hena mazahtakiyapi tawa kin etanhan ikdušpapi kta." Wo-iwange kin de wanna unyuhapi. Satan towašake kin on wicasa kin waeconwicakiye cin he tokiyatanhan u he? Woayupte on ito Eden wojupi kin ekta unyanpi kta.

"Wamduska kin winyan kin heciya; Can wojupi kin can otoiyobi etanhan yatapi kte šni awicakehan Wakantanka cya he? Unkan winyan kin wamduska kin heciya, can wojupi ed can waskuyeca aicage cin hena unyutapi kta ee. Tuka can wanjinu wojupi cokaya le cin, he taku aicage cin heceena, Iknuban yatapi qa odutanpi, hecanonpi kiuban nišapi kta ee, Wakantanka cya ee. Unkan wamduska kin winyan kin heced eciya, Nišapi kte šni tuka heya ee. Anpetu kin ed he yatapi kinhan nis eya išta nimdezapi, qa Taku wakan iyenicecapi, taku wašte takn šica ko sdonayapi kte cin he Wakantanka sdonya, he etanhan heya ee. Unkan can kin waskuyeca woynpte wašte, owanyag wašte, qa wicimdeza ksamwicayin kte cin he, winyan wanyake çehan waskuyeca kin icu, qa yute ca hi-knaku kin qu, qa iš eya yute. Unkan nopin išta indezapi, qa tancana ynkanpi kin hehan sdonkiciyapi, qa suken can ape heca kagegepi, qa on ogeiçitonpi.

Adam qa tawicu Eye Wakan-tanka kipajinyan wahtanipi kin, he Wicasa hinlipaye cin—the Fall of Man, eciyapi; qa token kapi kin he dee. Wowacinye woore kin ed, Woope inapeiwanka, "Tona Adam eçipi etanhan icagapi kin, wicasa otoiyohi touncage wowašake šni qa wošice kin hee; he eciyatuhan wicasa kin woowotan-na otokaheyatanhan kin etanhan itehanyan hecin iyaya, qa iye oun-cage tawa kin eciyantanhhan taku šica awacin ece, heced wicacehipi kin he Woniya kin ohinniyan ki-

pajin ece; qa heon etanhan wicasa tona maka kin de ed tonpi otoiyohi, Wakantanka tošikda toyasu yuhe kta iyecceca."

Wakan šica he Satan eciyapi iye on taku kapi he? Iye tuwe he? Towašake kin he taku he? Wicasa kin token econwicakiya he? Wo-iwange kin dena tohike do, tuwena awicayupta okihi šni. Tuka iye on taku wanjikji sdonunyanpi. Iyotan wasake un šni, Wakantanka eceena heca. Tuktektan wašake šni un. St. James heya, "Wakan šica kipajin po, kinhan naniçipapi kta. "Wicasa kin owasin wahtanipi sa qa heon etanhan" Wicasa token un kin he decetu, iye towašake qa wicoban wašte tawa kin eciyatanhan, Wakantanka wacinye qa hoyekiyin kta e, iyehca piçiya qa ikduhcmnpi kta okihi šni. "Heon etanhan Wakanšica towašake on wicasa kin waeconwicakiya. Wakan šica kin tuwe towašake on wicasa waeconwicakiya he? Wo-iwange kin de wanna amdupa, qa weayupte kin he dee, wicasa owasin tona woahitani ed tapi kin hena iyuha Wakan šica towašake on waeconwicakiya. Tuka tona Jesus ewicakdaku kin hena on taku vanji epin kta wacin. Wicoie kin dena nalion po. "Unkan niš nyepi kin woahitani wicoban šica ko ed nišapi." Wiyacinpi yamni kin dena awacin po. Tokaheya, Noah qa iye eicapi kin hena wata kin ed Wakantanka niwicakiya, he iyeced Baptisma ed Jesus niunkiyapi. Qa inonpa kin, Israel oyate kin Egypt makoce kin etanhan Wakantanka Moses eciyatanhan; Tahašunka cinca we kin on Wakan-tanka ewicakdaku qon, he iyeced Jesus we kin on unkiye niunkiyapi. Qa iyamni kin, Wicasa wan wamanonpi sa awicakipa, iye ta-wokoyake kin kipi qa apapi, qa te icakiš elipeya kikdapi, qa Samaria wicasa wan icimani un tukten wanke cin ed hi, qa wanyake çehan, onsikida, qa kašujapi kin palite ca wikdi miniša ko ed okaštan, qa hehan iye tašunke kin akan yankekiye ca owote tipi wan ed ahi qa awanyake eiqon; he iyeced Jesus onkiyapi qa niunkiyapi. Wamanonpi sa kin hena Wakan šica qa oknikde tawa kin hena eepi. Qa wamanonpi sa awicakipi qon he unkiyapi ee. Qa Samaria wicasa kin Jesus Christ itancanunyanpi kin hee, iye ounkiyapi qa Wakan šica etanhan cundakupi. J. Flockhart.

ANPAO - KIN:

REV. E. ASHLEY, LL.D., - Editor
Rev. W. Holmes, - Assoc. "

Anpao wotanin wowapi kin wi iyohi-ua, wiyawapi anpetu tokaheya eca wo-wapi tokšu kin ogna yewicakiciyapi ece.

Wi akenom (one year) on kašpapi zaptan kajujupi kta.

Wi šakpe kin kašpapi nonpa sam okise. Ieupi šni itokab kdajujupi kta.

Money Order, Cheyenne Agency on opetonpi na hiyumakiyapi kta. Okihihi šni kiuban Wowapi askabyapi maqupi kta.

Tuwa wowapi kagin kta ca wowapi ška sani el owa kta.

Opetonpi kta e wowapi hiyukiyapi qaiš ed taku oyakapi kta cinpi na hiyukiyapi ca, wowapi ojuba akand deced owapi kta.

REV. E. ASHLEY,

Cheyenne Agency, S. D.